

1.01 THAUM CHIVKEEB

Chivkeeb 1:1 – 2:3



Thaum chivkeeb, tsuas muaj Vajtswv ib leeg xwb, tsis muaj ib tug neeg twg lossis ib yam dabtsi nyob hauv lub ntiajteb no li. Vajtswv yog tus tsim ib puas tsav yam, Nws yog tus tsim thiab yog tus nraj daim duab uas zoo kawg nkaus. Vajtswv yeej muaj tus kom tswj uas zoo kawg nkaus!

Thaum ntawd, lub ntiajteb no tsis muaj dabtsi li, tsuas yog tsaus ntuj nti xwb. Thawj yam ua Vajtswv tsim yog tsim kom muaj qhov kaj. Vajtswv hais tias “Cia li muaj qhov pom kev,” ces txawm pom qhov kaj nrig tuaj thoob plaws lub ntiajteb no. Vajtswv muab qhov pom kev hu ua “Nruab hnub” thiab qhov tsaus ntuj hu ua “Hmo ntuj.”

Hnub ob, Vajtswv hais tias “Kuv yuav muab dej thiab av sib cais kom nyias nyob muaj nyias chaw.” Vajtswv tis npe thxeej saud hu ua “Ntuj.”

Hnub peb, Vajtswv ua rau av tuaj txhuayam nroj tsuag, txhua yam paj, muaj hav zoov thiab roob thoob plaws qhov txhia chaw.

Hnub plaub, Vajtswv tsim lub hnub, lub hli thiab cov hnub qub, lub hnub kav nruab hnub, lub hli thiab cov hnub qub kav hmo ntuj.

Hnub tsib Vajtswv hais tias, “Cia li muaj txhua yam tsiaj muaj sia nyob hauv nruab deg, thiab cia li muaj noog ya kom puv saum nruab ntug.”

Hnub rau, Vajtswv tsim kom muaj txhua yam tsiaj ciao sia, yog tej tsiaj nkag hauv av, tej tsiaj nyeg thiab tsiaj qus.

Tom qab ntawd Vajtswv mam li tsim thawj tus neeg, thiab muab tis npe hu ua A-das thiab tom qab ntawd Vajtswv tsim tau ib tug pojniam, thiab muab tis npe hu ua E-va. Vajtswv tsim tau tibneeg muaj tus yamntxwv li Vajtswv. Thiab Vajtswv tsim tau peb txhua tus puavleej muaj tus yamntxwv zoo li Vajtswv.

Thaum Vajtswv tsim tau txhua yam uas muaj nyob hauv lub ntiajteb no tag, Vajtswv saib tej ntawd ua rau Nws “txaus siab heev” – Tej ntses, tej av, tej hnub qub thiab tibneeg, txhua yam puavleej zoo kawg nkaus.

Tom qab uas Vajtswv tsim tau ib puas tsav yam ntawd tiav tag Vajtswv pom hais tias tej ntawd zoo heev. Vajtswv muab hnub xya ua hnub so, tsi ua ib yam dabtsi. Ib puas tsav yam uas Vajtswv tsim ntawd puavleej tsim tau zoo kawg nkaus li.

Ntawv Nkauj 139:14 “Kuv qhuas koj rau qhov koj thiaj yog tus uas tsimnyog sawvdaws hwm, tej uas koj ua mas kuv xav tsis thoob thiab tsis txawj piav li, tiamsis kuv paub hais tias tej ntawd yeej yog koj ua.”

1.01 THAUM CHIVKEEB - RAU TUS QHIA

Chivkeeb 1:1 – 2:3

Tej tseem ntsiab lus:

- 1) Thaum chivkeeb, tsuas muaj Vajtswv ib leeg nkaus xwb. Thaum ntawd tsis muaj ib yam dabtsi nyob hauv ntiajteb no li. Vajtswv yog tus tsim txhua yam, yog tus nraj daim duab uas zoo kawg nkaus. Thaum chivkeeb txhua yam yeej khooblug, thaum ntawd kuj tseem tsis tau muaj tibneeg.
- 2) Thaum Vajtswv hais, txhua yam puavleej tshwmsim. Vajtswv hais tias “Cia li muaj qhov kaj,” ces txawm muaj qhov kaj.
- 3) Vajtswv siv nws lub sijhawm los tsim tagnrho txhua yam. Vajtswv tsim tau txhua yam nroj tsuag, xyob ntoo; tsim tau lub ntuj lub ntiajteb; thiab tsim tau txhua yam tsiaj nyob hauv hiavtxwv. Thiab tej noog saum nruab ntug. Thiab tsim tau lub hnuab, lub hli thiab tej hnuab qub saum nruab ntug.
- 4) Thiab thaum kawg Vajtswv tsim tau tibneeg. Thawj tus txiv neej npe hu ua Adas. Tom qab ntawd, Vajtswv tsim tau ib tug hluab nrog nws Adas ua neej. Tus pojniam ntawd npe hu ua Evas. Nws yog Adas pojniam. Yawg Adas thiab pog Evas Vajtswv tsim tau los muaj Vajtswv tus yamntxwv. Thiab tagnrho peb puavleej yog Vajtswv tsim los muaj Vajtswv tus yamntxwv.
- 5) Vajtswv zoo siab heev rau tej uas Vajtswv tsim. Vim li ntawd, tom qab siv rau hnuab los tsim tau txhua yam tag thiab hnuab xya Vajtswv so.

LUS NUG:

- 1) Leejtwg xub nyob ua ntej thaum chivkeeb?
- 2) Thawj hnuab Vajtswv tsim tau dabtsi?
- 3) Cia li hais npe saib tej uas Vajtswv tsim tau yog dabtsi?
- 4) Vajtswv tsim tau leejtwg muaj Vajtswv tus yamntxwv?
- 5) Hnuab xya Vajtswv ua dabtsi?

LUS TEB:

- 1) Tsuas yog Vajtswv tibleeg nyob ua ntej thaum chivkeeb.
- 2) Vajtswv tsim tau qhov kaj ua ntej.
- 3) Vajtswv tsim tau nroj tsuag, xyob ntoo, txhua yam tsiaj, lub ntuj, lub ntiajteb, lub hnuab, lub hlis, thiab tej hnuab qub saum nruab ntug.
- 4) Vajtswv tsim tau tibneeg raws li Vajtswv tus yamntxwv. Vajtswv tsim tau thawj tus txivneej ua ntej, nws npe hu ua Adas thiab tom qab ntawd tsim tau nws tus pojniam npe hu ua Evas.
- 5) Vajtswv tsim tau hnuab xya cia ua hnuab so.

Yauhas 1:1 hais tias, Thaum tsis tau tsim lub ntiajteb, Txojlus yeej muaj nyob lawm; Txojlus ntawd ibtxwm nrog Vajtswv nyob, thiab Txojlus ntawd yog Vajtswv. Tswv Yexus yog txojlus ntawd. Nws yeej ibtxwm nrog Vajtswv nyob thaum tsim lub ntiajteb lawm.